

問水集卷三

奏議

總理河道都察院右副都御史臣劉天和

為謝

恩事嘉靖拾參年肆月初壹日臣方守制家居該工部差武功左衛千戶仇錫齋捧

勅諭壹道到臣并該吏部咨該本部會題為缺官事奉

聖旨劉天和着照原職總理河道寫勅與他欽此欽遵臣當即望

問水集卷三

一

闕叩頭臣隨於本月初伍日服滿聞運河壹帶間水淺涸漕運事重不敢辭避稽延謹兼程趨赴於本月貳拾陸日前到濟寧交代接管外謹具本稱謝者伏以輓江海之粟以實京儲開億萬載太平之

鴻業注黃河之水以資漕運成數千里利濟之通津自昔無聞於

今獨盛顧西域河源流極湍迅而中州平陸土雜泥沙况水濁則易淤下壅則上溢順注則運道為之立涸



國計攸關橫流則平地為之陸沉民命焉賴是以
漢賈讓之上策竟託空言惟宋歐陽修之壺疏誠
為確論蓋治水與用水本難兼全惟利民與病民
當知所擇顧茲重任猥及迂愚臣敢不罄竭丹衷
圖惟報稱酌緩急輕重之勢為疏濬修築之宜行
所無事每當為先事之圖期於有成擬終獻平成
之績臣無任感
恩圖報激切屏營之至
自陳乞罷疏
為自陳不職乞

問水集卷三

二

賜罷黜以弭災變事臣閱視河道於淮海之間忽
得邸報知南京
太廟火災仰惟
陛下聖德格

天聖孝協

祖猶且遇災 警畏修省不遑而况內外臣工不
能仰承

德意共圖化理而臣其尤者也蓋治河重務
國計民命攸關臣學未聞道材不逮人心雖切於
效勞而識每病於踈陋况年逾伍拾髮白齒脫蒲

柳之質蚤已衰備若復漫不自省虛冒

寵榮仰負

陛下自棄平生其為罪大矣伏望

聖明鑒臣愚衷

特賜罷黜則災變可弭而愚臣兢惕之心亦獲以自釋矣

河道遷改分流疏

為河道遷改分流隨宜防禦事據兗州府管河同知戴纓勘呈看得黃河壹大支目河南正東流至山東曹縣地方分為貳小支內壹支東南流由梁

問水集卷三

三

靖口直抵徐州小浮橋入運河外壹支正東流由岔口直抵沛縣飛雲橋入運河嘉靖玖年柒月內飛雲橋河淤塞北徙魚臺縣穀亭鎮口入運河今嘉靖拾叁年柒捌月以來黃河變遷又將穀亭河口以漸淤塞復自上流曹縣地方榆林集岔分壹股向東南流經河南虞城縣直隸蕭碭貳縣地方歸入梁靖南河合流出小浮橋口又自單縣侯家林岔分壹股向東北流至魚臺縣大小塌場口分流入運河離濟寧州廣運閘止有壹里誠恐黃水日漸北徙不無有傷濟寧壹帶閘座具呈裁奪等

因及據兗州府管河通判丁鵬呈稱訪得先年糧運自濟寧至徐州俱由各閘啓閉方行自黃河北徙以來糧運官民船隻雖皆順利但節年沙淤河底漸高魯橋以下閘座盡平濟寧以下諸泉阻隔不能入河聞今柒捌月以來黃河於上流改衝壹股從虞城蕭碭等縣下出小浮橋口誠恐明年水盡南向則魯橋下及徐州壹帶河道必須大加挑濬導引濟寧以下壹帶諸泉盡入運河接濟閘座廢壞者盡行修理以復先年舊規庶保運道無患糧運不敢阻滯呈請裁處等因到臣案照先該同

知戴纓等報稱黃河遷改已經行仰各官勘議去後今據前因照得黃河入運以來數年之間閘座不事啓閉糧運官民船隻雖皆稱便但淤積泥沙河皆平滿閘座盡廢且又阻絕諸泉是其為害甚大今壹旦將原出穀亭口河道淤為平陸若使盡勢北趨則濟寧壹帶閘座必將盡壞若盡勢南遷則濟寧下至徐州叁百餘里運河立見淺涸均於運道有害今分為貳股壹由河南虞城直隸蕭碭南趨徐州則足以少殺北趨之勢壹由魚臺之北出塌場口是即

國初未置閘以前導引河水入運故道猶可賴以
接濟均為運道目前之益然河性罔測難以預度
若使明歲水漸南趨則濟寧下及徐州淤淺必須
盡濬閘座必須盡修以復永樂至弘治百餘年來
閘運之舊規誠為運道無疆之福但目前數百里
淤淺挑濬工役巨繁且明春糧運在邇事勢迫切
而將來糧運不免照常由閘積水行舟較之數年
舟行閘面者不同如水漸北趨則仍濟漕河運舟
誠為順利但黃河難禦而閘河窄狹不能受黃水
拾分之壹今已逼近濟寧萬壹漲溢衝決則天井

以下壹帶閘座必皆盡壞下及徐州參百餘里淤
淺日甚或以漸北徙則先年北經曹單下衝張秋
故道亦有可虞尤為運道無窮莫大之患貳者均
為有利有害而輕重不可不權詢謀不可不審防
禦不可不周且事連參省關繫匪輕除遵奉

勅諭會同撫按官行委各該管河守巡兵備等官
公同管河郎中等官親詣踏勘審度測量計筭詳
議至日臣等再行親詣審勘遵奉

勅諭從長計處奏
請定奪外謹具題

知

修濬運河第一疏

為河道遷改分流隨宜防禦事行據山東等處提
刑按察司分巡東兗道帶管曹濮兵備兼管河道
僉事謝蘭呈據委官兗州府管河同知等官戴纓等
并濟寧州衛魚臺縣知州等官范棧等呈抄蒙山
東按察司謝僉事管理河道工部郭郎中案驗奉
總理河道劉都御史案劄前事職等會同本府知
府康河管泉同知劉純等依蒙親詣勘得黃河新
分貳股并上源曹縣岔口河於今拾月拾柒捌以

來已盡淤塞斷流會議得

國家財賦取給東南建閘設官疏泉積水漕法以
漸而備加以導濬啓閘之如法春夏雨暘之時若
亦自足用但遇天旱泉微未免盤剝阻滯是以故
老相傳先年運舟有數月方過閘河阻凍不能到
灣者自黃河入魚沛數拾年間閘座不煩於啓閉
漕舟不苦於盤剝運行順利直達濟寧但黃河水
半泥沙而性尤湍悍故流之所經且決且淤如弘
治陸年決黃陵岡入海則安平鎮淤矣嘉靖陸年
決鷄鳴臺口入昭陽湖則廟道口淤矣而當時或

治舊河或開新河皆殫庫藏之財疲生民之力或久而成功或卒於中止是黃河濟漕之利害較然矣後因梁靖口決分為貳派以達漕河而魚臺單沛之間悉為受水之區東奔西突遷徙無常隄防捍禦歲無寧日自魯橋直抵徐州為里貳百貳拾泥沙沉壅未易疏通自師家莊至黃家閘為閘壹拾肆座石塊動移實難啓閉而濟寧以下諸泉多因河底於高或阻隔於隄外或漫流於湖波泉源之利入運者少今黃河忽自淤塞遷改南徙在漕河無衝決淤漫之虞在地方免沮洳墊溺之患矣

但河性不常實難預料若明春河水果全不至則挑河修閘濬泉之工費用不貲關繫重大誠不可不預為之所然謀事非難成功為難先年開挖新河止壹百肆拾里多在陸地施工且未暇及閘座官吏夫役錢糧至勤肆省今欲於貳百貳拾餘里之間使閘座壹新淤塞盡去源泉盡濬以復我國家百伍拾年之舊必須選委肆省官屬動調肆省人夫計派錢糧事事有備而後漕舟可以無誤職等會勘得各閘淤泥深淺不等且河道廣闊壹旦豈能盡挑中間固有閘座原高當盡去泥淤直

求源底者亦有閘座原低因其水勢之平量培閘
面僅去泥淤之半者自魯橋至胡陵城止計長陸
於參里逐里測量折筭各淤壹丈貳尺玖寸應該
大挑今通融以挑深壹丈闊拾丈為準職等公同
取泥每深廣壹尺秤重壹百肆拾斤每筐可擡泥
壹百斤仍計自河至岸廣狹若干步每夫每日可
擡泥筐數如閉閘禁水併工急挑則每肆人擡泥
壹人取泥通融每夫每日可擡泥柒拾筐明歲春
早自正月拾伍至參月終止除風雨休息拾伍日
每夫實用工陸拾日每里用夫陸百名每伍拾名

用總甲一名火頭貳名共用夫肆萬零陸拾捌名
若放閘通水貳月用小船參月下水取泥挑濬每
貳人擡泥即用叁人取泥須倍起人夫捌萬名外
該修閘柒座每座用夫柒百名共用夫肆千玖百
名合無今拾貳月以裏通調山東河南并北直隸
河道淺鋪閘溜隄灞河道并黃河白夫起倩附近
府州縣衛軍民人夫各於正月初間委官分投督
領刻期到工并預於年裏委官估計傳當分投採
取石塊鑄造鐵錠買運石炭椿草板木打壩修閘
物料齊備凍開興工修理廢壞閘座官置閘板挑

濬月河先期早完以備

皇木糧運早至猶恐採石艱難運期促迫衆工竝舉卒難齊集或酌量閘座遠近每貳閘先修石閘壹座中間暫用椿草築壩蓄水候木石俱備各閘俱如式修培務令堅久壹面嚴督管泉官將濟寧以下諸泉疏濬導引入河接濟俱自正月拾伍日興工起至參月終止務在糧運船隻未到之先完工萬壹天時亢旱泉源枯涸

泉木糧運阻滯事勢拾分緊急方將梁靖口岔分泥河故道少加疏濬以濟閘河仍於梁靖口上流

分水處所大加疏濬俾水出小浮橋以濟徐呂貳洪其城武縣苟村集起至廣運閘止長隄壹百貳拾貳里俱且停止各該均徭夫役俱有原編下戶貼併盤費不須官給工食但每半月量加賞勞合用筐扛鋤鑿令夫自備事完領回正派人夫工食日給銀壹分伍釐顧募倍之并採運石塊備辦合用閘板物料等項人匠工食俱准於南北兩河各該庫貯河道銀動支買辦應用椿草蘘麻石灰准於臨河各該官廠支用完日造冊繳報庶幾大功可冀而漕舟可通但積水行舟其糧運終不如揚

帆閘面之速乞行漕運衙門令其查照舊規遇淺盤剝仍嚴禁不許例外多帶客貨免致淺阻藉口河道則糧運可保無誤矣且呈施行等因到道案照先准本司關抄蒙總理河道劉都御史案驗前事備蒙已行勘議去後今據前因隨該本道會同山東等處承宣布政使司左布政使張欽本司署印分巡海右道僉事周相總理稅糧帶管分守東兗道左叅政丘民範工部管河郎中郭敦管泉主事段成恩管閘主事邵元吉會議覆勘相同具呈照詳及據管理河道郎中郭敦呈據戴纓等呈前

事會同各官覆勘相同及稱相應准擬合即措辦石灰等料預調河道及顧募等夫依期興工刻期告完但錢糧出自河道用度數目必須公同貳司守巡及曹濮兵備管河等官會同估計會委廉幹官員收掌支銷方為允當其銀兩俱要通解兗州府貯庫凡遇給領買運料價等項先須呈請本院批允方行動支不許徑解工所凡夫役工食須委附近廉潔州縣掌印官員公同給散不許管工委官給散庶獲清楚但前擬合用人夫捌萬名看得連年河道多事官民疲困動衆捌萬未免肆省騷

然深為可慮且治河之功水難於陸縱有捌萬之
衆糧運伊邇或恐難收水撈之功查得南旺河道
淤淺例該參年兩次具呈本部題奉
欽依打壩絕流停止鮮

貢糧運各船隻大舉挑挖幸今嘉靖拾肆年春適
該大挑之期該調東兗濟南等府河道泉壩閘溜
并各該驛遞夫廠接遞夫役壹萬餘名自貳月初
壹日興工參月終止合無將此項人夫盡數暫那
併以黃河白夫亦做大挑事宜北於濟寧南於孟
陽泊打壩絕流分工挑濬雖曰淖泥深陷為力固

難較之水中撈取終為省力刻自正月拾伍日起
至參月終止期於

皇木糧運不致阻誤庶為事半功倍開呈定奪等
因到臣案照先據山東兗州府管河同知戴纓勘
呈看得黃河壹大支自河南正東流至山東曹縣
地方分為貳小支內壹支東南流由梁靖口直抵
徐州小浮橋入運河外壹支正東流由岔口直抵
魚臺縣穀亭鎮口入運河今嘉靖拾叁年柒捌月
以來黃河變遷又將穀亭河口以漸淤塞復自上
流曹縣地方榆林集岔分壹股向東南流出徐州

小浮橋口又自單縣侯家林岔分壹股向東北流
至魚臺縣塌場口入運河離濟寧州廣運閘止有
壹里誠恐黃水日漸北徙不無有傷濟寧壹帶閘
座等因及據兗州府管河通判丁鵬呈稱誠恐水
盡南向則魯橋下及徐州壹帶河道必須大加挑
濬導引濟寧以下壹帶諸泉盡入運河接濟閘座
廢壞者盡行修理以復先年舊規庶保運道無患
糧運不致阻滯等因據此會同巡撫山東都御史
唐胄巡按山東監察御史郭圻議行山東布按貳
司守巡管河各道公同管河郎中等官郭敦等督

率各該府衛州縣掌印管河管泉等官親詣勘議
仍會同該司各掌印官通行詳議及臣具本題
知外續據兗州府管河同知戴纓呈報新開榆林
集并侯家林分流貳河上源曹縣岔河口自拾月
初旬以來水勢南流順便東行者漸緩至本月拾
捌日黃水盡歸梁靖口南趨致將本口并新分榆
林集侯家林貳河俱淤塞平滿見今斷流緣由到
臣案候間今據前因會同巡撫山東右副都御史
唐胄巡按山東監察御史郭圻議得理有經權勢
有緩急自黃河入運漕舟通利者數拾年而淤填

河道廢壞閘座阻隔泉流衝廣河身為害亦大今
壹旦南徙則其利盡失而害獨存議者欲於單縣
地名侯家林微導黃水下從泥河出孟陽泊閘下
當魚臺沛縣之間俾上不傷濟寧閘座下可以濟
徐沛壹百柒拾餘里之運道但勘量得侯家林至
孟陽泊泥河口壹百伍拾肆里量挑深捌尺面廣
捌丈底廣肆丈為準計用夫壹萬柒千名用工玖
拾日可完自侯家^林至梁靖岔河口壹百伍里里大
須導濬用夫貳萬叁千貳百名通計該用夫肆萬
零貳百名工費甚巨但河性罔測而

國計至重先事之防急宜預圖是以臣等反覆計
慮日前惟修濬閘座河道開通泉源以完復百餘
年漕運舊規為永久無疆之利各官所議酌緩急
之勢為經權之宜其間閘座之高下泥淤之淺深
與夫秤輕重以取泥步遠近以定工增閘積水以
省深濬之費閉閘禁水以收急濬之效皆臣等親
詣公同測量審度計筭明實委皆可行而郎中郭
敦所議估計必會同憲臣出納必總歸郡府給放
必輪委正官尤為詳慎而各處泉源已經主事段
承恩遍詣疏濬所據調夫并各工食查有嘉靖柒

年開挑新河事例及查河南河夫內應量調壹半
 明春例該大挑南旺亦係緊要合無存留人夫玖
 千餘名挑濬其餘亦應量調今次合於濟南東兗
 青州肆府查照舊規派夫貳萬貳千名照舊每名
 日給食銀壹分伍釐兗州壹府所屬閘溜淺鋪隄
 壩等夫陸千玖百名曹縣等處黃河隄白夫叁千
 伍百名直隸大名府隄白等夫叁千貳百名河南
 河夫內先調玖千伍百名以上貳萬叁千壹百名
 俱均徭額編夫役各令自備工食惟量加賞勞其
 閘座泥沙淤填候築壩車水挑濬方可定估目前

惟急備石塊灰鐵椿木等項物料所費諒亦無多
 南河徐沛等處工程雖未議至大約該修閘座相
 當河道雖遠而淤泥不深人夫諒自可減大半臣
 等覆查得嘉靖陸年開挑趙皮寨口河起夫伍萬
 捌千名用工叁箇月嘉靖柒年開挑新河起夫陸
 萬伍千名用工陸箇月用銀貳拾餘萬兩先年工
 部侍郎崔巖修築梁靖縷水隄亦起夫肆萬貳千
 名今次較之各起工程大小遠近難易關繫輕重
 誠為不侔而調夫止陸萬餘用工僅及貳月誠不
 敢張大多估以虛費財力如果不敷方行隨宜量

顧或通融調撥務求財不費而事集但數百里淤
淺之挑濬閘座之修復取辦壹旦為力甚難明春
糧運在邇為限甚迫而肆省夫役之徵調極難齊
壹郡縣掌印官員又當應朝之年運河壹帶管河
卑官多不堪委且經近年裁革為員甚少萬壹夫
役工程少過期限即至債事矣臣等不足惜如
國計何且事體重大猶恐臣等愚昧壹時計慮未
周伏望

皇上軫念運河事重
國脉所關乞

問水集卷三

十五

勅工部會同吏戶貳部再加詳議速為上
請定奪行下臣等於今拾貳月初旬以裏通行各
省派調夫役採運物料完備定委山東守巡及管
河副使南直隸河南各管河副使每府佐貳官壹
員總部州縣各佐貳官壹員分部明春正月初旬
各量遠近定限起程務於正月拾伍以前到工閉
閘絕水禁止船隻畫地興工不許參差後期誤事
直隸山東河南應朝官員定與期限不許枉道及
順便回家并在途遷延尤望
天語叮嚀各該撫按官協力申飭早為督發并管

河郎中布政貳司守巡管河等官務須體

國如家協心共濟委官如有不敷各道及各府州縣能幹正佐等官容臣選委果能實心幹事經畫有方及殫勞避事因循怠玩處置乖方者俱聽臣旌舉叅劾及照運舟盤剝漕河舊規臣等審驗糧船自面至底尺寸及遍詢回船運軍舉云裝米伍百餘石用水亦不甚深而帶貨過重未免淺閣前船壹滯後幫皆遲况今黃河遷改閘座新復淤泥量挑未見遲難尤望乞

勅戶部通行漕運衙門曉示運軍遇淺即剝仍申

明帶貨舊例不許例外重載如違盤詰臣等臨期再行多方撈濬道引接濟惟冀明歲不誤糧運到京以完復百餘年來運道舊規

國計允有賴矣 工部覆議是皆本官目繫河患酌量緩急之宜以為先事預防之計相應依擬但前項河道事于參省工併壹時總理官員必須專其委託重其事權庶克有濟本部仍請

勅壹道馬上差人齎付都御史劉 欽遵便宜行事各該撫按守巡并管河郎中務要用心協共濟厥事毋分彼此致誤漕運大計其司府掌印

管河等官并承委大小官員果能終始用心著有勞績就行據實薦用如有乖方阻撓妄費錢糧賣放夫役等弊應拏問者徑自拏問應叅奏者指名叅究中間壹應未盡事宜聽其就彼從長計處事體重大者奏

請定奪吏部將山東河南直隸司府州縣應朝官員嚴限赴任以濟緊急河工不許枉道回家在途延緩致令誤事漕運衙門申飭舊例曉諭運軍遇淺即行盤剝不許例外多帶重貨以免淺閘官軍故違即便訪拏究治再照黃河水性無常來

春仍復入故道亦要相度機宜量為經理等因具題奉聖旨依擬欽此

修濬運河第二疏

為河道遷改分流隨宜防禦事據工部管理河道都水清吏司郎中鄭鋼呈據委官徐州知州魏頌管河判官項情沛縣知縣楊政管河主簿王廷相等各會呈前事勘得徐沛壹帶河道自胡陵城閘起至沽頭叁閘并謝溝新興黃家閘下至徐州止共閘柒座計里壹百陸拾有餘先年河身底下閘

座啓閉以時泉源接濟自濟寧直達徐沛復有嶧
山滕鄒等縣諸泉或由金溝淺而入運或匯昭陽
湖而積水舟楫順利糧運通行自正德年間黃河
決口流出沛縣飛雲橋地方西水東注漫漫各閘
自後飛雲橋淤塞河水復自魚臺漫入運河然河
流衝決奔突無常引河濟運利害相半河流便於
行舟閘座日就頽廢本年捌玖月以來黃河遷改
將原出穀亭口以漸淤塞岔為貳股分流拾月以
來通將貳股淤塞斷流各閘淤淺舟行艱難但河
性通塞往來莫測目前惟當䟽濬淤淺修復閘座

以通漕運先事預處以復舊規但糧運期早兼聞
皇木陸續將至必須併工急挑期於叁月完工方
不有誤今沿河中流逐里測量自胡陵城閘起至
沽頭上閘止計伍拾柒里零壹百貳拾丈各淤淺
不等俱該挑濬自沽頭上閘起至黃家閘止內止
淤淺叁拾柒里亦該挑濬河面廣闊急難盡濬兼
恐水流散漫每里俱用挑闊壹拾丈為準職等公
同各官每深廣壹尺取泥秤重壹百肆拾斤每筐
可擡泥壹百斤仍計自河至岸廣狹若干步每夫
每日可擡泥筐數如閉閘禁水併工急挑則每肆

人擡泥壹人取泥通融每夫每日可擡泥柒拾筐
明年春早自正月拾伍日起至貳月終止除風雨
休息每夫實做工叁拾日自胡陵城起至沽頭上
閘止應挑淤淺伍拾柒里共用夫壹萬伍千玖百
陸拾名自沽頭上閘起至黃家閘止應挑淤淺叁
拾柒里共用夫伍千壹百捌拾名更修閘柒座每
閘用人夫柒百名共用夫肆千玖百名等因到職
案照先為前事奉總理河道劉都御史劄付已經
備行仰各官勘議去後今據前因隨會同徐州兵
備兼管河副使查應兆親詣各該地方覆勘與各

官所議相同會議得濬河修閘通用夫貳萬陸千
肆拾名合照舊例於淮揚貳府徐州正派并調各
處淺夫不足之數量調附近黃河等夫并顧募應
役各於年裏派調停當各府委佐貳官壹員總部
每州縣委佐貳官壹員分部預備濬河筐扛鍬鑿
等項器具完備各於正月初間委官督領刻期於
正月拾肆日到工內均徭編夫自備工食但加賞
勞正派夫役照例日給食銀壹分伍釐顧募人夫
照例日給工食銀叁分仍先於年裏估計閘座停
當分投採取石塊動支河道椿草各項銀兩買運

石灰鑄造鐵錠并椿草板木打壩修閘物料齊備
及動支舊開河剩下徐州各廠杉木石塊先儘取
到俱候凍開興工修理閘座挑濬淤淺刻期在糧
運船隻未到之先完工若雨水勻和泉源充溢斯
則閘座無窮之利但恐天時亢旱諸泉之水不足
以供各閘之用糧運阻滯事勢急迫則於黃河梁
靖口迤東岔河設法疏濬下從泥河出孟陽泊口
以急濟漕運寧費財力亦不敢惜及查先年黃河
流決閘座不用原設專管沽頭等閘主事壹員各
閘官吏俱盡裁革閘溜淺鋪人夫拾留壹貳餘皆

革去目今各閘既已興復原設主事并各閘官吏
俱乞奏

請銓補撥充各淺人夫俱照舊編派其人夫工食
賞勞并採運石塊備辦礮麻石灰物料人匠工食
俱於河道貯庫銀兩公同兵備查應兆責委府州
縣正佐廉幹官員估計買辦支用工完之日通將
顧募調過人夫動支過錢糧修濬過工程備悉造
冊繳報再照積水行舟終不如揚帆閘面之速况
閘座久廢而新復運河久淤而初通尤乞申明漕
運舊規遇淺即行盤剝嚴禁例外不得多帶客貨

庶閘河可以通行糧運亦無淺阻矣具呈及據徐州兵備廉管河副使查應兆會呈相同等因到臣案照先據山東兗州府管河同知戴纓勘呈看得今嘉靖拾叁年柒捌月以來黃河變遷將穀亭河口以漸淤塞復自上流曹縣榆林集岔分壹股向東南流出徐州小浮橋口又自單縣侯家林岔分壹股向東北流至魚臺縣塌場口入運河等因及據兗州府管河通判丁鵬呈稱誠恐水盡南向則魯橋下及徐州壹帶河道必須大加挑濬導引濟寧以下壹帶諸泉盡入運河接濟閘座廢壞者盡

行修理以復先年舊規庶保運道無患糧運不致阻滯等因會同總督漕運都御史馬卿巡按直隸監察御史陳表議行直隸徐州兵備兼管河副使查應兆公同管河郎中鄭鋼督率各該府衛州縣掌印管河管泉等官親詣勘議及臣具本題知外續據兗州府管河同知戴纓呈報新開榆林集并侯家林分流貳河上源曹縣岔河口自拾月初旬以來水勢南流順便東行者漸緩至本月拾捌日黃水盡歸梁靖口南趨致將本口并新分榆林集侯家林貳河俱淤塞平滿見今斷流緣由到

臣除北河事宜已經會同巡撫山東都御史唐胄
巡按山東監察御史郭圻議

題外臣會同總督漕運都御史馬卿巡按直隸監
察御史陳表議得建閘積水以通運者

先朝百餘年之舊規藉黃河之水以濟運者邇年
壹時之近利今黃河壹旦遷改雖河性罔測而先
事當防

國計至重豈容少緩徐沛百餘里間凡運道之淤
淺閘座之頽廢者目前舉須修濬各官所議利害
甚明經畫亦當前項人夫合於淮揚徐參府州儘

調河道淺閘塘壩黃河等夫肆千名沛縣空閑接
遞夫貳千肆拾名俱係均徭編僉各令自備工食
但量加賞勞正派人夫壹萬名照例每名日給食
銀壹分伍釐顧募人夫壹萬名照例每名日給工
食銀叁分但閉閘絕水則人力易施入水取泥則
成功難必照得濟寧南旺河道例該叁年兩次大
挑嘉靖拾肆年春適當應挑之期例該工部管河
郎中呈部奏

請於貳月初壹日興工至叁月終止閉閘絕水禁
止往來鮮

貢船隻係是舊規合無趁今大批之期預於年裏
將前項人夫起派顧募每州縣選委佐貳官壹員
分部每府選委佐貳官壹員總部仍委徐州兵備
躬親催督調發修閘灰石鐵錠板木椿草等料俱
於年裏買辦採運到閘完備俱候春初人夫於正
月拾伍以前到工并各閘俱俟凍開上自南旺下
至黃家閘閉閘絕水禁止往來船隻畫地分工并
北河原議夫役亦合量增併力挑濬修理完工以
俟
皇木糧運早^至臣等仍申飾運卒不許例外多帶

貨物臨期再行多方疏引接濟及夫果不敷量為
添顧以期
國計無誤再照徐沛河道廣闊閘座稀少較之濟
寧河狹閘密者猶有不同是以故老相傳先年運
舟有累旬累月方過沽頭叁閘者况今淤淺量挑
閘座新復若果將來天旱泉微
皇木糧運阻塞事勢迫促方如各官所言將梁靖
東流岔河量加疏導以圖急濟此則甚不得已壹
時之權也如蒙乞
勅工部再加計議早為上

請行下臣等預行徵調及期興工尤望

天語叮嚀各官有能體

國效勞實心幹事經畫有方及殫勞避事因循怠
玩處置乖方者俱聽臣等旌舉叅劾再照沽頭等
閘上去濟寧下至淮安俱遠舊設主事壹員管理
近年黃河入運閘座盡廢主事並沽頭叅閘謝溝
新興黃家胡陵城等柒閘官吏俱經裁革今閘座
既復前項各官似應復設乞

勅吏工貳部再行計議如果臣等所言不謬將前
主事并閘官照舊銓選行下臣等將吏役并閘溜

問水集卷三

二四

等夫悉照舊規編撥應役則運道百年之舊規可
以完復

國計允有賴矣 工部議覆詳觀前後貳疏經理
南北兩河明燭機宜才優經濟誠壹勞永逸之圖
國計無窮之利也似此總理憲臣數拾年以來所
罕見者况經會官勘議前來相應依擬合候
命下之日通前請

勅壹道馬上差人齎付本官重其事權專其責任
山東河南及南北直隸司府軍衛官員悉聽節制
見今守巡該道并治河等官廉能者選委幹 闡

葺者即便更換照依原擬調集各項人夫俱限明
春正月拾伍日以前興工河道大加挑濬閘座隨
宜修理如夫數不敷隨宜添顧合用料價工食查
照本部先議動支兩淮餘鹽銀捌萬餘兩山東河
南貳省戶部開納事例銀各貳萬兩及動支原議
河道椿草各項貯庫銀兩通融估筭支用再照沿
河閘座頽廢貳拾餘年上下淤泥壅積叁百餘里
壹旦修濬委的工役浩繁相應添官分理以圖工
程早完庶幾糧運無滯但本部近因營建
宮殿修舉

廟制屬官差遣數多合無移咨吏部於內外相應
官內推陞才識優長請曉河道郎中貳員請

勅前去壹員會同郎中郭敦壹員會同郎中鄭鋼
俱仍聽都御史劉 經畫委任分投督理務要
同心協力共濟時艱工完之日奏

請回部別用其沽頭閘主事亦就銓選老成官壹
員前去管理叁年更代各閘官吏人夫照舊添設
先年印記查給用使仍備行總督漕運右副都御
史馬 嚴督各處領運官軍遇淺即剝不許多帶
重貨及行各該管洪管閘管泉主事等官務要親

詣淤淺去處各行起夫挑濬勿致阻誤

皇木糧運工完造冊

奏繳本部仍將都御史劉勞績

奏

請擢用其承委大小官員果有實心幹理懋著勤勞者本官指實具

奏以憑上

請陞賞怠玩債事者叅劾罷黜中間若有未盡事宜悉聽都御史劉從長區處便宜行事等因具題奉

聖旨是這疏通運河係國家緊急事務劉天和所奏具見用心着寫勅與他作急督理壹應司庫軍衛等官俱聽節制務要刻期完工以圖永久其餘依擬欽此